



Universitätsbibliothek Paderborn

Dissertationes De Actibus Humanis

Karchne, Simon

Augustæ Vindelicorum & Græcensis, 1716

§. XXI. An in occasione permissa, aut oblata peccati imputetur peccatum
eam permittenti, aut offerenti.

urn:nbn:de:hbz:466:1-39981

pertractentur ab obvijs summistis , neque
hæc sint extra limites præsentis tractatus
per num. 149. & aliunde à confessarijs
sciri debent, ingrata non erunt.

Pars tertia quod raro sit hæc necessi-
tas facilè constat à num. 170. cùm regu-
lariter vel pœnitens ipse , aut alias
valeat medelam afferre.



§. XXI.

*An in occasione permissa, aut oblata peccati imputetur pec-
catum eam permittenti, aut offerenti?*

175. **Q**uartus primò : An peccandi occasionem permittenti imputetur peccatum ? Respondeo peccatum permisum imputari permittenti facile ab eo impedibile , quando finis permissionis est , ut deprehensus puniatur , secùs si finis est correctio deprehendendi , aut ut permittens se servet indemnum . Probatur pars prima , quicunque permittit peccatum facile impedibile , ac finè causa rationabili , illi imputatur peccatum contra charitatem proximi , sed supponitur in casu esse facile impedibile ac finè causa rationabili nec punitio deprehendendi , quæ est finis permissionis , est causa rationabilis , quia nequit esse per se digna ut appetatur , siquidem propriæ talis non soleat imponi , nisi propter peccatum commissum , ita Pal. tom. 1. tr. 6. D. 6.
pag. 5. num 2. Sanch. lib. 10. de Matr.
D. 12. num. 52.

Hinc deducunt mortaliter peccare custodes nemorum se abscondentes , ut viatores ingredientes ad credendum cogantur solvere pœnam .

Probatur secunda pars , permisso

peccati non est ita intrinsecè mala , ut nequeat honestari ex causâ justâ alias DEO permittenti peccata imputaretur . Sed correctio deprehendendi est causa justa , ergo citati Doctores . Addit Pal. debere ferè certo constare quod sequatur emendatio . Oppositum sentio cum Trulench. lib. 1. in Decal. c. 6. dub. 5. n. 21. Contento probabili spe correctionis , qualis foret , si non constet certò de non fecitura emendatione , alias raro , aut vix unquam esset permisso licita .

Pars tertia probatur exemplo mariti prudenter suspicantis uxorem suam adulterari , aut etiam scientis , sed probare impotentis , unde ut probare posit , occultat se cum testibus , ut procus in delicto deprehendatur , & ipse possit divorrium facere . Jam probatur : licita est , adulterij permisso ex causa justa , ut proximè præmissum , sed in casu præsenti permisso adulterij est ex causa justa , nempe ad amoliendam à se injuriam (quam patitur ab adultera uxore) per divorrium , quod cùm sperare nequeat , nisi probetur adulterium : idèo adhibet duos testes , qui-

quibus uti possit ad probationem criminis, Pal. num. 4. Sanch. cit. num. 52. Mol. de Just. tr. 3. D. 55. in fin.

176. Quæres secundò an ex finibus relatis ad priorem quæstionē citra scandalum possit positivè asserri occasio alteri ad peccandum, e.g. mulier sapientia sollicitata ad violandum thorū, an ex consensu mariti possit proco dicere æquivocando: contenta sum, ut tali horā venias, ostium erit apertum? Hæc verba significare quidem possunt, quasi mulier acceptet petitionem copulæ, annuatque: eadem salvati possunt sine tali animo, mulier enim potest esse contenta, ut per ostium ingrediatur, tali horā, ut à mari- to deprehendatur, ac accusetur, sique mulier redimat vexationem sollicitationis. Illa igitur verba sunt æquivoca, ac indifferenta, ut procus veniat, vel ad adulterium, vel ad hujus intentati accusacionem, ac pœnam, ut mulier suum defendat honorem, ac molestiam tollat. Exemplum hoc adducit Joan. Sanch. D. 35. in fin. affirmativè respondens ad quæstionem; quia est justa causa in his circumstantijs æquivocandi, verba autem allata non significant determinatè consensum ad adulterium, sed indeterminatè, ac indifferenter, & mulier intendit ut liberetur à molestiâ, Laym. lib. 2. tratt. 3. § 13. num. 5. § 3. resolves loquens de famulo suspecto, quem ut deprehendat, & efficaciter emendet, impediatque gravius malum, ponit pecuniam ad mensam aut clavim ad almare pecuniarium, id licet probat, quod non formaliter coope-

retur peccato famuli, sed materiam subministrando illud permittit, ad impedendum majus malum, qualiter DEUS permittit plurima peccata etiam materiam subministrando, ob majora inde bona elicienda.

Thomas Sanch. cit. num. 53. & alij communiter negant arbitrantes talem actum esse positivam, eamque directam cooperationem, eo quod illa oblatio mulieris sit expressa acceptatio adulterij. Pal. n. 6. quæstionem non definit, sed judicio Doctorum submittit.

Haunold. *Theolog. Scholaſt. lib. 3. tr. 3. cap. 2. Controvers. 8.* distinguit: negans, si occasio offeratur ex intentione, ut alter inducatur, tunc enim est locus sententiae Sanchez; affirmans verò secluso animo, mulierque non optet acceptari occasionem, sed offert velut actionem indifferentem eo modo, quo petens mutuum à fœneratore, dissuaderet tamen ob periculum perversæ intentionis.

Respondeo mihi videri probabilem affirmativam ex rationibus ad illam datis, improbo tamen in primo exemplo si verba illa fiant ex fine illum sollicitantem mediante accusatione puniendi propter responsum primum num. 170. pœna enim cum supponat culpam, intendens illam videtur intendere culpam. Unde cum accusatio naturâ suâ, uti & denuntiatio judicialis tendat ad pœnam, non videtur licet intendi: at bene correctio, seu emendatio.

* *

R. P. Karch. Differt.

R

§. XXII.